

雅州府志
十

文以載道片言隻字莫非洩天地之精蘊以
名揆藻摘輝盡是嘔文之心血豈必馬揚之賦
陳李之詩蘇文論策而後可傳歟况遠猶

展誥如日月經天而雅之文士與宦遊者類多著作要
皆各有所見一發胸次之奇則炳炳烺烺羽儀聖
道鼓吹仁明者何可少也志藝文

宸翰

康熙六十年二月初四日撫遠大將軍王摺奏

上諭朕於地理從幼留心凡古今山川名號無論遠近

遐荒必詳考圖籍廣詢方言乃得其正故遣使

至崑崙西徠諸處凡大江黃河黑水金沙瀾滄

水發源之地皆目擊詳求載入輿圖今大兵

邊外諸番悉心歸化三藏阿里之地

山川名號皆漢異同當於諸老証明

於後大概中國之水皆發源於南

源委可得而縷聯也黃河一源也

坤山之東衆泉流出汨汨不窮
如列星蒙古名敖敦他拉西
番名蘇羅木譯言星宿海
也是爲河源匯爲查靈鄂靈
二湖東南行折北復東行
由歸德堡積石關入蘭州
岷江之源出於黃河之西
巴顏哈拉嶺七七勒哈納
番名岷捏撮漢書所謂岷
山在西轍外江水所出是也
而禹貢導江之處在今四川
黃勝關外名楮山古人謂
江源與河源相近禹貢岷
山導江乃引其流非源
斯言實有可據其水自黃
勝關流入至灌縣分數

縣漢江合岷山江此水自東南大幹之內故發源
於西番流入中國也澗滄江有二源一源出於喀
木之喀爾機雜噶爾山名雜褚河一源出於喀木
之濟魯肯他拉名敖母猪河二水會於父木廟之
南名拉克楮河流入雲南境爲澗滄江南流至車
里宣撫司名九龍江流入緬國澗滄江之西爲哈
拉烏蘇卽禹貢之黑水今雲南所謂潞江也其水
自達賴喇嘛東北哈拉腦兒流出東南入喀木界
又東南流入怒夷界爲怒江入雲南大唐隘名潞

十岐至新津縣後合爲一東南流至叙州府金沙江入之 金沙江之源自達刺喇嘛東北烏捏烏

蘇流出烏捏烏蘇譯言乳牛山也其水名烏魯烏蘇東南流入喀木地又東南流逕中甸入雲南搭城關名金沙江至麗江府亦名麗江至永北府會打冲河東流經武定府入四川界至叙州府合岷江流經夔州府入湖廣境由荊州府至武昌府與漢江合漢江源出陝西寧羗州北嶓冢山名漾水東流至南鄭縣爲漢水入湖廣界東南流至漢陽

江南流經永昌府潞江安撫司境入緬國潞江之
西爲龍川江龍川江之源從路木所屬春多嶺流
出南流入大唐隘西流爲龍川江至漢龍關入緬
國此諸水在東南大幹之外故皆流入南海也又
雲南邊境有檳榔江者其源發自阿里斯之岡底
斯東打母朱喀巴珀山譯言馬口也有泉流出爲
牙母藏布江從南折東流經藏危地過日噶公遙
兒城傍合噶兒諾母倫江之南流工布部落地入
雲南古勇州爲檳榔江出鐵壁關入緬國而岡底

斯之南有山名千喀巴珀譯言象口也有泉流出
入馬品母達賴腦兒又流入卽喀腦兒兩湖之水
西流至桑納池岡底斯之北有山名生格喀巴珀
譯言獅子口也有泉流出西亦至桑納池二水合
而南行又折東行至那克拉蘇母多地與岡底斯
西馬珀家喀巴珀山之水會馬珀家喀巴珀者譯
言孔雀口也其水南行至那克拉母多地會東行
之水東南流至厄納忒克國爲岡噶母倫江卽佛
書所謂恒河也佛國紀載魏法顯順恒河入南海

至山東之渤海入口應卽此水矣梵書言四大水
出於阿耨達山下有阿耨達池以今考之卽岡底
斯是唐古特稱岡底斯者猶言衆山水之根與釋
典之言相合岡底斯之南有二湖接連土人相傳
爲西王母瑤池意卽阿耨達池也又梵書言普陀
山有三一在厄納忒克之正南海中山上有石天
宮觀自在菩薩遊舍是乃眞普陀一在浙江定海
縣海中謂善才第二十八叅觀音菩薩設法處一
在圖白特今番名布達拉山亦爲觀音化現之地

釋氏之書本自西域故於彼地山川頗可引爲據也禹貢導黑水至於三危舊注以三危爲山名而不知其所在朕今始考其實三危者循中國之三省也打爐之西南達賴喇嘛所屬拉里城之東南爲喀木地達賴喇嘛爲危地班禪師呼圖克鬼所屬爲藏地合三地爲三危耳今喇烏蘇由其地入海故曰導黑水至於三危入於南海也至於諸番各號與史傳不同而亦有可據者今之圖白特卽唐之爰厥唐太宗時以公主下降公主供佛像

於廟今番人名詔詔者譯言而來也其地猶有唐
時中國載去佛像明成化時烏斯藏大寶法王來
朝辭歸時以半駕鹵簿送之遣內監護行內監至
四川邊境卽不能前進而返留其儀仗於佛廟至
今往來之人多有見之此載於明實錄者爾等將
山川地名詳細改正具奏

聖祖仁皇帝御製平定西藏碑記

昔者

太宗文皇帝之崇德七年班禪額爾得尼達賴喇嘛

始汗謂東土有聖人出特遣使自人跡不至之區
經讎敵之國閱數年始達盛京至今八十載同行
善事俱爲施主頗極安寧後達賴喇嘛之歿第巴
隱匿不奏者十有六年任意妄行拉藏滅之復興
其法因而允從拉藏苦苦腦兒羣衆公同請中間
策妄阿喇蒲坦妄生事端動準噶爾之衆肆行奸
詐滅壞達賴喇嘛並廢第五輩達賴之塔辱巖班
禪燬壞寺廟殺戮喇嘛名爲興法而實滅之且欲
竊踞圖伯特國朕以其所爲非法爰命皇子爲大

將軍王又遣朕子孫調撥滿洲蒙古錄旗兵各數萬歷烟瘴之地土馬安然而至賊衆三次乘夜盜營我兵奮勇擊殺賊皆喪胆遠遁一矢不發平定西藏正興法教賜今呼必爾罕冊印封爲第六輩達賴喇嘛安置禪榻撫綏圖伯特僧俗人衆各復生業於是文武臣工或謂王師西討歷瘴厲險遠之區曾未半載輒建殊勲實從古所未有而諸蒙古部落及圖伯特酋長亦合詞奏曰皇帝勇略神武超越往代天兵所臨邪魔掃蕩復興蒙古向所

尊奉法教坎麻藏衛等部落人衆咸得拔離湯火
樂土安居如此盛德大業非臣下頌揚所能宣罄
請賜御製碑文鐫勒招地以垂永久朕以何功焉
而郡衆勤請不已爰記斯文立石西藏俾中外知
達賴喇嘛等三朝恭順之誠諸部落累世崇奉法
教之意朕之此舉所以除逆撫順綏衆興教云爾
康熙六十年頒雍正二年甲辰季夏月之吉立

聖祖仁皇帝御製瀘定橋碑記

蜀自成都行七百餘里至建昌道屬之化林營化

林所隸曰沈村曰烹霸曰子牛皆瀘河舊渡口而
入打箭爐所經之道也考水經注瀘水源出曲羅
而未明指何地按圖誌大渡河水即瀘水也大渡
河水源出吐蕃滙番境諸水至魚通河而合流入
內地則瀘水所從來遠矣打箭爐未詳所始蜀人
傳漢_自葛武鄉侯亮鑄軍器於此故名元設長河
西宣慰司司明因之凡藏番入貢及市茶者皆取
道焉自明末蜀被寇亂番人竊踞西爐迄本朝猶
阻聲教頃者黠番肆虐戕害我明正上官侵逼河

東地罪不容逭康熙二十九年冬遣發師旅三路
徂征四十年春師入克之土壤千里畚隸版圖錫
庄木鴉萬二千餘戶接踵歸附西爐之道遂通顧
入爐必經瀘水而渡瀘向無橋梁巡撫能泰奏言
瀘河三渡口高崖夾峙一水中流雷奔矢激不可
施舟楫行人授索懸渡險莫甚焉茲偕提臣岳昇
龍相度形勢距化林營八十餘里山址坦平地名
安樂擬卽其處彷彿鐵索橋規制建橋以便行旅朕
嘉其意詔從所請於是鳩構造橋東西長三十一

丈一尺寬九尺施索九條索之長視橋身餘八丈而羸覆版木於上而又翼以扶欄鎮以梁柱皆鏤以龙事橋成凡傳命之往來郵傳之絡繹軍民商賈之車徒負載咸得安驅疾馳而不致病於版涉繪圖來上深愜朕懷爰賜橋名曰瀘定任事着勞諸臣並優詔獎叙仍申命設兵戍守夫事無大小期於利民功無難易貴於經久今既肇建茲舉俾去危而即安繼自今歲時繕修協力維護皆官斯土者責也尙永保勿壞以爲斯民貽無窮之利是